

## Una bidda trista

Ti connosciu de trint'annus, meda genti in campidanu ndi chistionara,  
a me pariasta aici attesu ma t'appu bia e sa distanza non esti esistia.  
Una cattedrali in sa luxi de su monti, bistia de birdi e de aria frisca,  
is ogus de issa si funt allutus e seu bintrada cun su coru cuntentu.  
Femus in istadi, sa genti andada e beniada e de dogna logu arribada  
po respirai aria bona e buffai acqua frisca e pappai su druci de sa bidda.  
Is becceddas cun su bistiri antigu, is picciocus allirgus in sa pratza  
ad ascurtai sa musica de is complessinos, non mancada su teatru e sa poesia.  
E su notti tottus a si rinfrescai a su cinema "all'aperto", ' ta bellesa !  
In custa bidda sa genti si scaresciada de su traballu e de sa basca cittadina.  
Sa cattedrali però s'esti ingrigia poita su soli de su monti s'esti sturau.  
Po finzasa su birdi non e' cussu de prima e calincuna funtana s'e' siccara.  
Su saludu a s'intrada funti macchinas, macchinas e macchinas,  
a destra a manca in mesu, po passai ci olidi attenzioni e passientzia.  
Sa genti sempri bandara e benidi ma non funti turistas  
Ni in primavera ni in istadi ni in atra stagioni.  
Is piccioccus imbeccianta in su bar gioghendi a cartas o a sa macchinetta  
e si movinti sceti po su santu patrono, inzando si binti cun sa bandiera,  
is beccius dorminti in sa panchina, parinti unu quadru sbiadiu in bianco e nero  
eppuru medas fueddus porianta tenni a letzioni magistrali po sa vida  
in sa scola sa storia vera porianta narrai e is piccioccheddus imparai.  
Is feminas tiranta a sa fine su mesi cun sa sperantzia chi curridi  
a cussu maladittu gratta e vinci, malattia mala e non certu opera cristiana.  
Sas rugas anti scaresciu limpiore e lampiones ma connoscinti beni is fossus, non  
unu segnali cummenti si spettara o parinti sciaquausu a varecchina.  
Po guidai toccada a fai su slalom, nisciunu si firmada ma currinti sceti  
senze cintura cun su telefonino a s'origa e sa sigaretta in bucca  
e candu si firmanta esti in mesu a sa ruga, chi esti a palas poriri aspettai.  
Sa pratza manna è bennia unu parcheggiu maccu senze rispettu  
Ni de regolas ni de lei e mancu de vigiles urbanos (chi era costui?).  
E' sa crisi narranta tottus e troppu bella esti sa scusa poi is istituziones  
ca in tant'annus anti sturau sa luxi de una bidda famosa  
e fiara unu prexeri arribbai in custu logu seppuru attesu.  
Calincunu pensada chi scriendi is avvisus in limba senze traduzioni  
fezzada unu prexeri a sa popolazioni o forsis non connoscidi s'italianu.  
Is turistas ligginti, poberittos! Ostrogoto narranta e tiranta drittos.

Scusa , o cara bidda, is fueddus de custa filla 'e anima, ma ainci morisi.  
Ta fine anti fattu, facebook, tablets, internet e cussu twitter  
serbinti sceti poi is scimprorius e non imbentai po sa bidda cosas bonas.  
E accabbu narendi a is istituzionis de passillai in su logu chi nanta de governai,  
diventau su sprigu de su pagu doveri cun cui anti aniministrau.  
Una preghiera ti fatzu, deu foresta, cun su coru tristu e scoraggiau,  
o bella bidda scirarindi poita ainci morisi, SCIRARINDI TONARA.

**Susanna Loddo - Cagliari**